

Հաստատում եմ՝

Երևանի պետական համալսարանի
գիտական հարցերի գծով պրոռեկտոր

Ռ. Բարխուդարյան



25 փետրվարի 2026 թ.

ԿԱՐԾԻՔ

ԱՌԱՋԱՏԱՐ ԿԱԶՄԱԿԵՐՊՈՒԹՅԱՆ

Սաթենիկ Ավագի Տեփանյանի ԺԹ.00.01- «Ընդհանուր հոգեբանություն,
հոգեբանության տեսություն և պատմություն, անձի հոգեբանություն»
մասնագիտությամբ, հոգեբանական գիտությունների թեկնածուի գիտական աստիճանի
հայցման «Անձի ինքնության, հանդուրժողականության և էկզիստենցիալ
ամբողջականության փոխկապակցվածությունը ազգային միատարր և բազմատարր
միջավայրում» թեմայով ատենախոսության վերաբերյալ

Ներկայացված ատենախոսությունը արտացոլում է ժամանակակից
հոգեբանության արդիական և սոցիալապես նշանակալի հիմնախնդիրների
համակողմանի ուսումնասիրություն: Հետազոտության թեման արդիական է
բազմամշակութային փոխազդեցությունների ակտիվացման, միջէթնիկական շփումների
սրման և հանդուրժողականության սոցիալ-հոգեբանական նշանակության աճի
պայմաններում: Ազգային միատարր և բազմատարր միջավայրերում ձևավորված
անձանց ինքնության, հանդուրժողականության և էկզիստենցիալ ամբողջականության
փոխկապակցվածության հարցը դեռևս բավարար չափով ուսումնասիրված չէ:

Աշխատանքը ունի հստակ ձևակերպված նպատակ, խնդիրներ, վարկած և
ենթավարկածներ, հիմնված է ժամանակակից տեսամեթոդաբանական մոտեցումների
վրա և ներառում է բավական ներկայացուցչական էմպիրիկ ընտրանք (N=200):

մշակումը իրականացված է արդի մեթոդներով (IBM SPSS), իսկ ստացված արդյունքները տրամաբանականորեն մեկնաբանված են: Դրական է գնահատվում հայ և ռուս ուսանողների համեմատական վերլուծությունը ազգային միատարր և բազմատարր միջավայրերի համատեքստում, ինչպես նաև էկզիստենցիալ ամբողջականության ներգրավումը հանդուրժողականության և ինքնության ուսումնասիրության շրջանակում, ինչը ապահովում է աշխատանքի գիտական նորույթն ու միջդիսցիպլինար արժեքը: Աշխատանքի գործնական նշանակությունը հիմնավորված է մշակված հոգեբանական ծրագրի կիրառելիությամբ կրթական և խորհրդատվական միջավայրերում:

Ներածությունում լուսաբանված են աշխատանքի գիտական նորույթը, օբյեկտը, առարկան, վարկածը իր ենթավարկածներով, տեսական և գործնական նշանակությունը, ձևակերպված են պաշտպանության ներկայացվող դրույթները, անդրադարձ է կատարվել արդյունքների փորձաքննությանը և ատենախոսության կառուցվածքին:

Ատենախոսության առաջին՝ «Անձի ինքնության և հանդուրժողականության տեսական-մեթոդաբանական հիմքերը» գլխում ներկայացված և վերլուծված են ինքնության տեսական ու մեթոդաբանական հիմունքները, բացահայտված է դրա էությունն ու տեսակները: Գլխում անդրադարձ է կատարվում նաև էթնիկական նույնականության հիմնախնդրին և դրա զարգացման առանձնահատկություններին տարբեր սոցիալ-մշակութային միջավայրերում: Վերլուծվում են հանդուրժողականության հոգեբանական առանձնահատկությունները, դրա սահմանումն ու տեսակները, ինչպես նաև միջէթնիկական հանդուրժողականության և ինքնության, մասնավորապես՝ էթնիկական նույնականության փոխկապակցվածությունը: Սույն գլխում քննարկվել են նաև ուսանողության հոգեբանական նորագոյացությունները, որոնք պայմանավորում են անձի կարևոր կառուցվածքների զարգացումը և հասարակական հարաբերությունների ու որակների ձևավորումը, ինչպես նաև երիտասարդության շրջանում ինքնության և հանդուրժողականության առանձնահատկություններին նվիրված գիտական հետազոտությունները:

Ատենախոսության երկրորդ՝ «Երիտասարդության էկզիստենցիալ ամբողջականությունը ազգային միատարր և բազմատարր միջավայրերում» գլխում ներկայացված և վերլուծության են ենթարկված երիտասարդության էկզիստենցիալ ամբողջականության առանձնահատկությունները ազգային միատարր և բազմատարր միջավայրերում: Հեղինակը ներկայացնում է էկզիստենցիալիզմի և էկզիստենցիալ հոգեբանության տեսական հիմքերը, ուսումնասիրում դրանց հիմնական խնդիրներն ու անձի էկզիստենցիալ բնութագրման մոտեցումները՝ համադրելով դրանք երիտասարդության շրջանում անձի էկզիստենցիալ բնութագրերին նվիրված մի շարք հետազոտությունների վերլուծության հետ: Գլխում առանձնահատուկ ուշադրություն է դարձվում նաև հայերի և ռուսների էթնոհոգեբանական առանձնահատկություններին՝ որպես ազգային միատարր և բազմատարր միջավայրերի ներկայացուցիչների, դիտարկելով դրանք ուսումնասիրվող խնդրի համատեքստում: Վերլուծությունը թույլ է տալիս բացահայտել հայերի և ռուսների անհատական էթնոհոգեբանական առանձնահատկությունները և ցույց է տալիս, որ դրանք տարբեր դրսևորումներ են ստանում՝ կախված միջավայրի առանձնահատկություններից:

Ատենախոսության երրորդ՝ «Ազգային միատարր և բազմատարր միջավայրում անձի ինքնության, հանդուրժողականության և էկզիստենցիալ ամբողջականության փոխկապակցվածության էմպիրիկ հետազոտություն» գլխում ներկայացված է փորձարարական հետազոտությունը որի նպատակն է բացահայտել ինքնության, հանդուրժողականության և անձի էկզիստենցիալ ամբողջականության միջև առկա փոխկապակցվածությունները ազգային միատարր և բազմատարր միջավայրերում հայ և ռուս ուսանողության օրինակով: Մանրամասն ներկայացված է հետազոտության իրականացման ընթացքը՝ հետազոտության ծրագիրը և փուլերը, ընտրանքի բնութագիրը, հետազոտության մեթոդները և մեթոդական գործիքակազմի հիմնավորումը, ինչպես նաև ստացված արդյունքների քանակական և որակական վերլուծությունը: Ներկայացված են հետազոտության արդյունքների համեմատական և վիճակագրական վերլուծությունը, այդ թվում՝ ռեգրեսիոն վերլուծությունը: Սույն գլխում

ներկայացված են նաև հոգեբանների և ուսանողների համար մշակված գործնական առաջարկությունները և հանդուրժողականության ձևավորմանն ուղղված ծրագիրը:

Աշխատանքը ամբողջական է իր տրամաբանության և շարադրանքի մեջ ընտրված մեթոդակազմը և վերլուծության մեթոդները համապատասխանում են առաջ քաշված խնդիրներին, վարկածին, իսկ պաշտպանությանը ներկայացվող դրույթները բխում են եզրակացություններից:

Աշխատանքի հիմնական դրույթները բավարար կերպով արտացոլված են հեղինակի կողմից հրատարակված 9 գիտական աշխատություններում:

Սաթենիկ Տեփանյանի ատենախոսության սեղմագիրը համապատասխանում է ատենախոսության բովանդակությանը և արտացոլում է հիմնական դրույթները:

Լիովին տրամաբանական է, որ այսպիսի մեծ ծավալով գիտահետազոտական աշխատանքը չէր կարող զերծ մնալ վրիպումներից և բացթողումներից, մասնավորապես՝ ունենք նաև որոշ դիտողություններ և առաջարկություններ:

1. Սաթենիկ Տեփանյանի ատենախոսական հետազոտությունը, անկասկած, նվիրված է միատարր և բազմատարր ազգային միջավայրում անձնական ինքնության, հանդուրժողականության և էկզիստենցիալ ամբողջականության փոխկապակցվածության բնութագրերի արդիական և կարևոր հիմնահարցին: Այնուամենայնիվ, պաշտպանության համար ներկայացված որոշ եզրակացություններն ու առաջարկությունները պահանջում են լրացուցիչ պարզաբանում այն մասին, թե արդյոք դրանք կարող են ընդհանրացվել բոլոր ռուս և հայ երիտասարդների համար, քանի որ ուսանողները ներգրավված են ակադեմիական միջավայրում, մի կարևոր գործոն, որը հեղինակը անտեսում է:
2. Հետազոտության ընտրանքը պահանջում է հստակ հիմնավորում: Արդյո՞ք որպես 18–22 տարեկան (միջինը՝ 20.8) երիտասարդ ուսանողների տարիքային շրջանը համարվում է անձի ինքնության կայունացման, էթնիկ նույնականության խորացման, հանդուրժողականության ձևավորման և էքզիստենցիալ որոնումների առավել ակտիվ փուլը:

3. Ատենախոսության տեսական բաժինները ներկայացված են դասագրքային ոճով, ինչի մասին վկայում է գրականության ցանկը, որտեղ գերակշռում են դասագրքերը և մենագրությունները: Հեղինակը անտեսել է թեմային վերաբերող ժամանակակից հոդվածները, այդ թվում՝ հայերեն լեզվով արդիական հոդվածները (Օրինակ՝ Ն. Հակոբյան. Անձի ինքնության բնութագիրը սոցիալական միջավայրում, 2023; Ն. Խաչատրյան, Անձի հոգեբանությունն այսօր. ուսումնասիրման առարկան և մարտահրավերները, 2016): Մասնավորապես բացակայում են հանդուրժողականության վերաբերյալ հայ հեղինակների բազմաթիվ աշխատությունները:

4. Ատենախոսությունում էջ 4, 5, 6 և բազմաթիվ այլ էջերում հեղինակների մեջբերումներում բացակայում են հեղինակների անվանումները, ինչը բարդացնում է հեղինակներին նույնականացնելու գործընթացը: Նմանատիպ մոտեցում հնարավոր է նաև դասական հեղինակների օրինակներում:

5. Ատենախոսության համապարփակ վերլուծությունը ցույց տվեց, որ առանձին բաժինների եզրակացություններն ու ամփոփումը ավելի հստակ ձև և բովանդակություն ունեն, քան 143-146 էջերում ներկայացված ընդհանուր եզրակացությունները: Օրինակ՝ 1, 2, և 3-րդ եզրակացությունները արձանագրում են կատարված աշխատանքը և ներկայացված են հետևյալ կերպ՝ «ընդգծված», «հիմնավորված», «վերլուծված», «ձևակերպված», այլ ոչ թե ստացված արդյունքներ և փաստեր:

Սակայն վերը նշված դիտողությունները ոչ մի կերպ չեն արժեզրկում Ս. Տեփանյանի ատենախոսության նշանակությունն, գիտական նորույթը ու բովանդակությունը: Մեր կարծիքով դրանց հաշվառումը միայն կնպաստի հետագա գիտական աշխատանքի բարելավմանը:

ԵԶՐԱԿԱՑՈՒԹՅՈՒՆ

Սաթենիկ Ավագի Տեփանյանի «Անձի ինքնության, հանդուրժողականության և էկզիստենցիալ ամբողջականության փոխկապակցվածությունը ազգային միատարր և բազմատարր միջավայրում» ԺԹ.00.01- «Ընդհանուր հոգեբանություն, հոգեբանության տեսություն և պատմություն, անձի հոգեբանություն» մասնագիտությամբ հոգեբանական գիտությունների թեկնածուի գիտական աստիճանի հայցման ատենախոսությունը

